


HOTEL MARCHENA LO HAYA UN BISTA NOBO

Reapertura lo ta na April e aña aki



ORANJESTAD (AAN): E siman aki DIARIO tabata tin un conversacion cu Isaac de Marchena, kende ta director/gerente di e empresa ho-

telerio conoci como "Hotel Marchena", cu ta situa den Caya Grandi na San Nicolas.

Marchena a duna di conoce cu actualmente e Hotel ta den proceso di renobacion y lo haya un "facelifting" moderno y completamente nobo.

Ademas, lo bay tin tambe

un bar, un restaurant, y lo percura tambe pa un pent house.

E trabaonan ta andando den bon direccion, y segun plan, de Marchena a indica.

E proyecto mes ta costa en total 325 mil Florin, cual ta ser financia pa Caribbean Mercantile Bank.

De Marchena a expresa su satisfaccion di mira rond di dje cuanto proyecto bunita ya a ser realiza y segun e tin entendi, e aporte financiero

ta bin di parti di Caribbean Mercantile Bank cu tin e pueblo di San Nicolas na pecho tambe.

Tambe no mester lubida di menciona e bon cooperacion cu e asociacion di comercio di San Nicolas a duna den e proyectonan menciona.

De Marchena a relata na DIARIO cu e ta spera cu reapertura di su hotel nobo lo ser realiza na principio di April 1992.

HIRSCH BALLIN TA NA ARUBA

ORANJESTAD (AAN): Ayera e Ministro Hulandes en-carga cu Asuntonan Arubano, Mr. Ernst Hirsch Ballin a yega Aruba pa un bishita di trabao.

Durante su estadia di tres dia, e mandatario Hulandes lo tene diferente reunionnan tanto cu Gobernantenan Arubano como representantenan di otro organonan.

Un di e topiconan cu lo ser trata ta e nombracion di un Gobernador pa Aruba. Ministro Hirsch Ballin y su comitiva lo haci Diasabra merdia

un bishita na Universidad di Aruba, Cede Aruba, y UN-OCA, y lo reuni cu representantenan di e instancianan menciona.

Dialuna dia 6 di Januari, Ministro Hirsch Ballin lo haci un bishita di cortesía cerca Gobernador di Aruba, Felipe Tromp, y lo reuni tambe cu Ministro Presidente Nelson Oduber.

Dialuna lo tin tambe reunion cu Consejo di Ministronan encuan-to "beleidsoverleg".

CURSO INTERESANTE "SKIRBI BO PROPIO OBRA" NA ARUBA

ORANJESTAD (AAN): E mensahe di Instituto di Cultura ta: Ban cuminsa e aña nobo aki, realizando nos soñonan.

Ban crea obranan teatral Arubano den e workshop "Skirbi bo propio obra", cu lo ser organiza pa Instituto di Cultura durante tres week-end.

Nan ta riba e fechanan di 10, 11, y 12 di Januari. Dia

17, 18 y 19 di Januari. E ultimo ta diana 31 di Januari, 1, y 2 di Februari.

E curso lo ser duna pa Laura Kwast y Diana Lebacs. Inscripcion mester tuma lugar na Instituto di Cultura di antemano, y no mas tarda cu 9 di Januari 1992.

Gastonan involvi lo ta 55 florin pa persona.

INCERTIDUMBRE ENTORNO GOLDEN TULIP TA CONTINUA

ORANJESTAD (AAN): E incertidumbre entorno Golden Tulip ta continua mientras cu ainda Gobierno no a sinta na mesa cu e trahadornan di e hotel pa informa nan encuan-to un que otro.

E casino di e hotel ta

permanece cera, loke ta sali na vista cerca turístacu ta bini den e temporada aki Aruba.

Pa e trahadornan e situacion ta keda cuestionable mientras nan no haya un contesta.

MAREVE TOYS & GIFTS N.V.

ta desea un i tur un feliz y prospero aña 1992
y ta participa resultado di su rifa



5th prize: Toddler Tractor & Cart
Andre Clarie Hato 24 tel. 31321

4th prize: Turtle Sandbox
Natasha v/d Linden Watapanagezag 29

3rd prize: Tractor & Cart
E. Briezen Dahlasr. 9 tel. 48515

2nd prize: Octopus Merry Go Round
Isidro Geerman Seroe Pretoe 17 C tel. 22522

1st prize: Climb 'N Slide Treehouse
P.R. Simmons Mabon 20 J 48821

POR FAVOR PASA RECLAMA E PREMIO NA
GUYABASTR. 20 TEL.: 25393

DIVI RESORTS

DUTCH VILLAGE / DIVI VILLAGE

Seeking:

T.O. MANAGER
for super busy sales office

If You Have Experience Or Believe You Have The Ability To Be A T.O. MANAGER We Need You Now.

Ability To Train Others Would Also Be An Asset.

Interviewing Now, Please Call
Nola Pearson At 32300, ext. 24